



Coimisiún  
na Meán

# Nóta Eolais maidir leis an gcinneadh stádas mar Chomharthóir Iontaofa a bhronnadh ar Irish Internet Hotline de bhun Airteagal 22 den Ghníomh um Sheirbhísí Digiteacha

Dáta foilsithe:  
Meitheamh 2026



# Clár Ábhar

|                                     |   |
|-------------------------------------|---|
| Réamhrá                             | 3 |
| Príomheolas faoin Iarratasóir       | 3 |
| Measúnú ar an Iarratas              | 4 |
| Saineolas agus Inniúlacht           | 4 |
| Neamhspleáchas                      | 4 |
| Díograiseach, Cruinn, Neamhchlaonta | 5 |



## Réamhrá

An 11 Meitheamh 2026, bhronn Coimisiún na Meán stádas mar Chomharthóir lontaofa ar Irish Internet Hotline, de bhun Airteagal 22 den Ghníomh um Sheirbhísí Digiteacha (**DSA**). Soláthraíonn an páipéar seo eolas ardleibhéil faoi phríomhghnéithe an iarratais agus an fhianaise a mheas an Coimisiún le linn an phróisis measúnaithe chun teacht ar a chinneadh.

Faoin DSA, is ainmniúchán dlíthiúil é an stádas mar “Chomharthóir lontaofa” is féidir a bhronnadh ar eintitis shonracha, amhail carthanachtaí, comhlachais tionscail, nó comhlachtaí poiblí, a n-aithnítear iad as a saineolas maidir le hábhar mídhleathach ar líne a bhrath. Ní thugtar aon chumhacht dhlíthiúil speisialta d'eintitis a mbronntar an stádas seo orthu chun baint an ábhair a ordú nó a chur i bhfeidhm, agus ní thagann athrú ar na caighdeáin dhlíthiúla a bhaineann leis an méid a mheastar a bheith mídhleathach. Ceanglaítear le hAirteagal 22 de DSA ar ardáin ar líne tabhairt faoi na bearta teicniúla agus eagraíochtúla riachtanacha lena chinntiú go dtugtar tús áite do na fógraí maidir le hábhar mídhleathach a chuireann Comharthóirí lontaofa isteach, ag gníomhú dóibh laistigh dá réimse ainmnithe saineolais, agus go ndéantar iad a phróiseáil gan moill mhíchuí. Mar sin féin, ní thagann athrú ar phríomh-mheasúnú dlíthiúil an ábhair ar cuireadh bratach leis.

De bhun Airteagal 22, tá sé de chumhacht ag Coimisiún na Meán, mar Chomhordaitheoir na Seirbhísí Digiteacha in Éirinn, stádas mar Chomharthóir lontaofa a bhronnadh ar eintitis a shásaíonn na coinníollacha a leanas:

- a. tá saineolas agus inniúlacht shonrach aige chun críocha inneachar neamhdhleathach a aimsiú, a shainaithint agus a chur in iúl;
- b. tá sé neamhspleách ar aon soláthraí ardán ar líne;
- c. tugann sé faoina ghníomhaíochtaí chun críocha fógraí a chur isteach go díograiseach, go beacht agus go hoibiachtúil.

Is féidir teacht ar níos mó faisnéise maidir le ról an Chomharthóra lontaofa agus oibleagáidí ardán ar líne i ndáil le fógraí a eisíonn Comharthóirí lontaofa in [Airteagal 22 de DSA](#) agus sa [Doiciméad Ceisteanna Coitianta](#) a foilsíodh ar shuíomh gréasáin an Choimisiúin.

## Príomheolas faoin Iarratasóir

Chuir Irish Internet Hotline (“IIH” nó “an Iarratasóir”) iarratas isteach ar stádas mar Chomharthóir lontaofa faoi Airteagal 22 den Ghníomh um Sheirbhísí Digiteacha (DSA) i mí na Nollag 2025.

Seoladh IIH i mí na Samhna 1999, ag obair dó chun ábhar mídhleathach ar líne a chomhrac, agus Ábhar Mí-Úsáide Gnéasaí Leanaí (CSAM) agus Mí-Úsáid Íomhánna Dlúthphearsanta (IIA) mar phríomhfhócas aige, chomh maith le ciníochas, seineafóibe agus sceamálacha airgeadais.

Tá IIH ina bhall d'Ionad um Idirlíon Níos Sábháilte na hÉireann, agus oibríonn sé i gcomhar le heagraíochtaí maidir le sábháilteacht leanaí agus sábháilteacht ar líne chun leanaí a chosaint ar éifeachtaí díobhálacha ábhair mhídhleathaigh ar líne. Chomh maith leis sin, tá IIH ar cheann de na comhlachtaí a bhunaigh INHOPE, an Comhlachas Idirnáisiúnta um Beolínthe Idirlín, ar líonra domhanda é atá tiomanta d'aghaidh a thabhairt ar ábhar mídhleathach ar líne. Oibríonn IIH i ndlúthchomhar leis an Roinn Dlí agus Cirt agus leis an nGarda Síochána chun nósanna imeachta agus prótacail oibríochtúla a leagan síos.



## Measúnú ar an iarratas

Rinneadh measúnú ar an iarratas a chuir IIH isteach chun a chinneadh ar chomhlíon sé na coinníollacha le go mbronnfaí stádas mar Chomharthóir Iontaofa air. Rinneadh an measúnú de réir na dtreoirlínte atá leagtha amach sa [Treoir dhoiciméad do Chomharthóirí Iontaofa](#) de chuid an Choimisiúin ('**An Treoir**'). Forbraíodh creat láidir measúnaithe mar bhonn taca faoin measúnú chun tacú leis an athbhreithniú ar iarratais ar stádas mar Chomharthóir Iontaofa. Cuireann an Treoir comhlachtaí leasmhara ar an eolas faoi phróiseas measúnaithe agus cinnteoireachta an Choimisiúin chun a chinneadh an gcomhlíonann iarratasóir na coinníollacha chun stádas mar Chomharthóir Iontaofa a bhaint amach. I dteannta a chéile, tacaíonn an Treoir agus an creat measúnaithe le cinnteoireacht fhianaisebhunaithe, thrédhearcach, chomhsheasmhach agus chomhréireach ag an gCoimisiún i bhfeidhmiú a fheidhmeanna reachtúla maidir le hAirteagal 22.

Sna rannáin seo a leanas, tugtar breac-chuntas ardleibhéil ar phríomhghnéithe den iarratas agus ar an bhfianaise a ndearna an Coimisiún anailís uirthi le linn an phróisis measúnaithe chun teacht ar a chinneadh stádas mar Chomharthóir Iontaofa a bhronnadh ar IIH.

## Saineolas agus inniúlacht

Ceanglaítear leis an gcoinníoll seo go bhfuil anaineolas agus an cumas iomchuí ag an iarratasóir chun críche ábhar mídhleathach a bhrath, a shainaithint agus a fhógairt.

Is é réimse saineolais IIH ná ábhar drochúsáide gnéasaí leanaí, comhroinnt íomhánna dlúthphearsanta neamhthoiliúil, ciníochas, seineafóibe agus sceamálacha agus calaois airgeadais. Leis an bhfianaise a cuireadh isteach léirítear saineolas agus inniúlacht sheanbhunaithe an iarratasóra maidir le hábhar mídhleathach a shainaithint ar fud raon leathan suíomhanna gréasáin agus ardán ar líne. Ghlac IIH páirt i gclár do chomharthóirí iontaofa a bhí ann roimh an DSA le roinnt ardáin ar líne ó bhí 2021 ann freisin, rud a léiríonn an taithí atá aige maidir le fógra a thabhairt d'ardáin ar líne faoi ábhar a mhaítear a bheith mídhleathach.

An fhoireann a bhfuil freagracht uirthi as measúnú agus tuairisciú a dhéanamh ar Ábhar Mí-Úsáide Gnéasaí Leanaí (CSAM) agus Mí-Úsáid Íomhánna Dlúthphearsanta (IIA), ciníochas, seineafóibe, sceamálacha agus calaois airgeadais, tá taithí aici, tá na hacmhainní cearta ar fáil di, agus tá na hinniúlachtaí teicneolaíochta agus gairmiúla riachtanacha aici chun tabhairt faoi ghníomhaíochtaí an Chomharthóra Iontaofa. I measc na n-acmhainní atá aici, tá: rochtain ar uirlisí teicniúla saincheaptha agus córais tuairiscithe phoiblí chriptithe, agus an-chuid saineolais ar chúrsaí dlí agus tionscail maidir le hábhar mídhleathach a chomhrac mar thaca aici.

Léirigh an tIarratasóir go bhfuil leibhéil an tsoláthair foirne agus na modhanna tuairiscithe laistigh den fhoireann oiriúnach chun fógraí a chur isteach. Measann an Coimisiún, bunaithe ar an bhfianaise a tugadh, go bhfuil dóthain saineolais agus acmhainní ag IIH chun tabhairt faoi ghníomhaíochtaí an Chomharthóra Iontaofa ar bhealach éifeachtúil agus ábalta.

## Neamhspleáchas

Leis an gcoinníoll seo, ceanglaítear go bhfuil an tIarratasóir neamhspleách ina chinnteoireacht, lena n-áirítear ó thaobh airgeadais de, ar sholáthraithe ardán ar líne.

Díríodh sa mheasúnú ar na gnéithe a leanas:



- cibé an bhfuil aon leasanna nó rannpháirtíocht le hardáin ar líne i ndáil le gach ball foirne atá páirteach i gníomhaíochtaí an Chomharthóra lontaofa, poist stiúrthóireachta, bearta i bhfeidhm chun neamhspleáchas ar ardáin ar líne a chinntiú (**Neamhspleáchas Eagraíochtúil**)
- socruithe maoinithe atá i bhfeidhm agus cibé an bhfuil siad sin neamhspleách ar ardáin ar líne (**Neamhspleáchas Airgeadais**).

#### **Neamhspleáchas Eagraíochtúil:**

Léirigh an tllarratasóir go bhfuil dóthain cosaintí aige chun neamhspleáchas eagraíochtúil a chinntiú, bunaithe ar an iarratas agus ar an eolas breise a tugadh. Tá Beartas láidir Coinbheachta Leasa agus tiomantas na bhfostaithe mar bhonn taca faoi sin, lena ndearbhaítear go n-oibreoidh feidhm an Chomharthóra lontaofa gan tionchar míchuí ó thríú páirtithe, lena n-áirítear ardáin ar líne.

Measann an Coimisiún go mbeidh gach cinneadh a bhaineann le gníomhaíochtaí an Chomharthóra lontaofa faoi stiúir na foirne tiomnaithe, a oibreoidh go neamhspleách ón mBord Stiúrthóirí agus gan teagmháil leis na hardáin ar líne le linn na tréimhse bronnta.

#### **Neamhspleáchas Airgeadais:**

Léirigh an tllarratasóir neamhspleáchas airgeadais freisin trí shonraí leordhóthanacha a chur ar fáil maidir lena shamhail mhaoinithe agus trí thiomantas soiléir a thabhairt maidir le cúrsaí cuntasachta. Chun tacú leis sin, chuir an tllarratasóir a Thuarascáil Bhliantúil agus Cuntais Airgeadais isteach, ina bhfuil réamhaisnéisí agus meastacháin a léiríonn cumas IHH a bheith neamhspleách. Bhí an tllarratasóir oscailte freisin agus eolas breise á thabhairt maidir lena chuid táillí ballraíochta agus foinsí maoinithe.

## **Díograiseach, Cruinn, Neamhchlaonta**

Is é a cheanglaítear sa choinníoll seo go dtugann an tllarratasóir faoina ghníomhaíochtaí tuairiscithe go díograiseach, go cruinn agus go neamhchlaonta.

Díríodh sa mheasúnú ar mhodheolaíochtaí, acmhainní agus teicneolaíochtaí a thacaíonn le gníomhaíochtaí an Chomharthóra lontaofa a dhéanamh. Meastar go bhfuil modheolaíocht láidir ag an tllarratasóir i dtaca leis an ábhar mídhleathach a bhrath, a shainaithint agus a dhearbhu, bunaithe ar an eolas a tugadh.

Léiríonn nósanna imeachta IHH tiomantas agus cruinneas trí uirlisí teicniúla saincheaptha agus anailís dhaonna chríochnúil a úsáid, agus trí bhearta a chuimsiú chun earráidí féideartha a laghdú agus aghaidh a thabhairt orthu. Tugtar tuilleadh tacaíochta don phróiseas le córais déanta gearán agus leasuithe atá dea-shainithe, agus iad leagtha amach go soiléir ag an tllarratasóir. Is í an fhoireann Comharthóra lontaofa a dhéanfaidh measúnú agus dearbhú ar ábhar a mhaítear a bheith mídhleathach, ar mhaithe le cruinneas a chinntiú. Déanfar tuairiscí a chuireann an pobal faoi bhráid IHH a phróiseáil i gcomhréir le critéir chuspóra agus beidh gach gníomh faoi stiúir na bprótacal inmheánach réamhshainithe, chun an chothroime agus an neamhchlaontacht a chinntiú i rith gníomhaíochtaí an Chomharthóra lontaofa.

Measann an Coimisiún gur leor na bearta a chuir an tllarratasóir i bhfeidhm chun próiseas díograiseach cruinn neamhchlaonta a chinntiú le maoirseacht agus cuntasacht chuí.

